

SAMOA

Faatulagaina o Aiaiga

1. Igoa puupuu ma le amataga
 2. Tuuina atu o laisene o fesootaiga tau telefoni
-

2004, Nu. 10**O SE TULAFONO e teuteu ai le Tulafono o Fale Meli 1972.***[21 Iuni 2004]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o Fale Meli 2004 ma e tatau ona faitauina faatasi ma avea ai o se vaega o le Tulafono o Fale Meli 1972 (o le Tulafono Autu).

(2) O leni Tulafono e tatau ona amata faamamaluina i le aso e tuuina i ai le maliega a Le Ao o le Malo.

(3) O le faasilasilaga o le amata faamamaluina o leni Tulafono e tatau ona lomina faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

2. Tuuina atu o laisene o fesootaiga tau telefoni – Ua teuteuina le Tulafono Autu i le faaofiina i ai o le vaega o lo o taua mulimuli mai ina ua tuana'i le fuaiupu 106:

“106A. Tuuina atu o laisene o fesootaiga tau telefoni-

(1) Mo faamoemoe o le:

(a) faaleleia o le tulaga aupito manaomia ma le mamao e mafai ona oo i ai le malosi o fesootaiga tau telefoni o lo o mafai ona maua mo tagata o Samoa; ma

(b) siitia o faiga faatauva i totonu o maketi o fesootaiga tau telefoni a Samoa ma le sini autu ina ia maua ni fesootaiga tau telefoni aupito sili ona lelei i se tau aupito maualalo e mafai ai mo tagata o Samoa,

e mafai e le Minisita i luga o le fautuaga a le Kapeneta, ona tuuina atu laisene ina ia maua ai ma faagaioi ai fesootaiga tau telefoni i luga o tuutuuga ma aiaiga ua faamaonia e le Kapeneta mai lea taimi i lea taimi.

(2) O le a faaaoga le malosiaga o le Minisita i lalo o le faafuaiupu (1) e ui lava i:

(a) so o se tulafono, e aofia ai ae le faatapulaaina i lenei Tulafono ma le Tulafono o Galuega tau Meli ma Fesootaiga 1999; ma

(b) so o se feagaiga, konekarate, fetuunaiga, laisene po o isi aiaiga (o le a lava le igoa e tau ai) o lo o i ai i le aso e amata faamamaluina ai le Tulafono o Teuteuga o le Tulafono o Fale Meli 2004.

(3) Pe afai:

(a) ua tuuina atu e le Minisita se laisene i lalo o le faafuaiupu (1); ma

(b) ua fautuaina e le Loia Sili ma le Ofisa Sili o Pulega o le Matagaluega o Tupe le Kapeneta i se faiga tusitusia e faapea o le tuuina atu o sea laisene ua tulai mai ai se aafiaga o aia tatau a se vaega i lalo o se feagaiga, konekarate, fetuunaiga, laisene po o se isi aiaiga o i ai i le taimi nei (po o le a lava le igoa e tau ai) lea foi e avea ai Samoa ma se tasi o vaega, e mafai e le Kapeneta, i lana

pule faitalia maumaututu ona faataga le tuina atu o tau i sea vaega e auala i ni tupe, tau pau faameaalofa, faamanuiaga po o i se faiga e ese ai i se aofaiga ma/po o i se faiga e mafai ona fautuaina i se tusitusiga e le Loia Sili ma le Ofisa Sili o Pulega o le Matagaluega o Tupe.”

**O le Tulafono o Teuteuga o le Tulafono o Fale Meli 2004 o lo o
faafocina i le Matagaluega o Fesootaiga ma Faamatalaga
Tekonolosi**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**